

Kinsa'y apil sa Ahl al-Bayt ?

Kini nagpadayag nga ang kaliwat sa Propeta (swas) – nga maoy gipasabut sa *Ahl al-Bayt*, 'Itrah ug Aal – kini naglakip sa iyang anak nga babaye nga si Fatima al-Zahra', sa iyang bana nga si Imam 'Ali, sa ilang mga anak nga si Imam al-Hasan maingon man si Imam al-Husayn ('a). Ang sakup niining maong kaliwatan mga lima (5) sila lakip na si Propeta Muhammad (swas) isip maoy pangulo, ang duha buhi sa panahon nga napadayag ang bersikulo sa Qur'an ang mahitungod sa ilahang kahimtang. Samtang ang siyam (9) sa ubang mga Imam nga gikan sa kaliwatan ni Imam al-Husayn ('a) apil usab niining piniling kaliwatan, ug ang katapusan mao ang Imam al-Mahdi ('a). Ang Propeta (swas) nagsulti: "Ako ug si Ali ug si Hasan ug Husayn ug ingon man **ang siyam ka mga kaliwat ni Al-Husayn sila mao ang mga putli ug ang dili masayup.**" [al-Juwayni, Fara'id al-Simtayn, (Beirut, 1978), p. 160. Pahibalo nga ang pagkabanggitan ni al-Juwayni isip usa ka Eskolar sa Hadith napamatud-an na ni al-Dhahabi diha sa Tadhkirat al-Huffaz, vol. 4, p. 298 ug ingon man ni Ibn Hajar al-'Asqalani diha sa al-Durar al-Kaminah, vol. 1, p. 67]

_ "Ako ang pangulo sa tanang Propeta ug si 'Ali ibn Abi Talib mao ang pangulo sa mga sinaligan o sumusunod , ug human nako adunay napulog duha ka mga sumusunod, ang una kanila mao si 'Ali ibn Abi Talib ug ang katapusan mao ang al-Mahdi." [al-Juwayni, Fara'id al-Simtayn, p. 160]

_ "si Al-Mahdi usa sa amoa **Ahl al-Bayt**" ug si "al-Mahdi usa sa akong kaliwatan, diha sa anak ni Fatima" [Ibn Majah, al-Sunan, vol. 2, p. 519, numbers 4085-6; Abu Dawud, al-Sunan, vol. 2, p. 207]

Unsa kaha apil ba ang mga asawa sa Propeta (swas)?

Ang bersikulo sa Pagkaputli "Sa pagkamatuod maoy pagbuot sa Allah sa ..." gipadayag ngadtu kang propeta Muhammad (swas) didto sa panimalay sa iyang asawa nga si Umm Salama (kahimut-an siya sa Allah); Gitawag sa Propeta (swas) sila si al-Hasan, al-Husayn, Fatima ug ingon man si 'Ali, ug iyahang gitigum sila ug gi-kupo-an sila sa iyang kupo. Dayun siya miingon, "**O Allah, kini sila mao ang akong Ahl al-Bayt, busa ipahilayo sila Ahl al-Bayt gikan sa tanan nga kahugawan, ug hinlo-i sila sa labing kaputli.**" Si Umm Salama misulti, "Apil ba ako nganha kanila, o Sinugo sa Allah?" Ang Propeta (swas) mitubag: "**Pagpabilin lang sa imong dapit, ug ikaw usa ka matarung.**"

_ al-Tirmidhi, al-Sahih, vol. 5, p. 351 ug 663 al-Hakim al-Naysaburi, al-Mustadrak `ala al-Sahihayn, vol. 2, p. 416. Iyang gipamahayag nga kini usa ka *sahih* sumala sa pasikaranan ni al-Bukhari

_ al-Suyuti, al-Durr al-Manthur, vol. 5, p. 197

Ang sinugdanan sa bersikulo sa 33:33 ang gisundan sa pamahayag tumong ngadtu sa mga asawa sa Propeta (swas) isip basihanang nga ang gigamit nga *pronoun* usa ka pambabaye (feminine). Apan, diha mismo sa bersikulo sa pagputli, ang iyang henero (gender) nausab ngadtu sa panlalaki (masculine) ni pambabaye o panlalaki (mixed gender). Kini nagpasabut lang kini usa ka kinaugalingon nga pinadayag nga gipatumong ngadtu sa lain-lain nga mga tawo.

Alang sa dugang nga kopya niini pag email lang sa:

datudjaman@yahoo.com o kaha pakigkitai si Brod. Muhammad Hussein

Fernandez, IMAM-Islamic Educational Research Institute, Tickwas,

Dumalinan, Zamboanga del Sur, PHILIPPINES

Sa pagkamatuod maoy pagbout sa Allah ang pagpahilayo kaninyo gikan sa kahugawan, O mga Tawo nga sakup sa Panimalay (Ahl al-Bayt) aron sa pagputli kaninyo sa hingpit. [Bersikulo sa Pagkaputli Qur'an 33:33]

Si Prophet Muhammad (swas) gipangutana sa iyang mga tinun-an: "Unsa-on ba namu sa pagpangayo sa panalangin alang kanimo?" ... Siya miingon: "Isulti ninyo : 'O Allah! Ipadangat ngadtu kang Muhammad maingon man sa Kaliwatan ni Muhammad, sama sa Imong pagpadangat sa Imong panalangin ngadtu kang Abraham maingon man sa kaliwatan ni Abraham, gumikan kay Ikaw mao man ang Labing Dalaygon ug Labing Halangdon.'" [Sahih al-Bukhari, volume 4, book 55, number 589]

Ngano ba nga angay atung sundon ang Kaliwat (Ahlul-bayt) ni Muhammad (swas) ?

Ang mga Shi'ah nagatoo sa duruha ka mga bililhong butang nga gibilin sa Propeta Muhammad (swas) nga mao ang Balaang Qur'an ug ang *Ahl al-Bayt* (ang dayag nga sakup sa iyang panimalay). Ang *Ahl al-Bayt* mao gayud ang sumbanan sa matuod nga *Sunnah* sa Propeta (swas). Kay wala nay laing paagi nga makab-ut sa usa ka Muslim ang giya gawas sa pagsunod niining duruha ka mga sumbanan.

Ang Kabilin ni Propeta Muhammad (swas)

“Panahun na nga akong pagadawaton ang tawag sa kamatayon. Sa pagkamatuod, Akong ibilin diha kaninyo ang duruha ka Bililhong butang (*thaqalayn*): ang Kasulatan sa Allah ug ang akong Ahl al-Bayt. Sa pagkamatuod, kining duruha dili mahimong pagabulagon hangtud nga mobalik sila kanako didto sa lanaw (Kawthar).”

Kining maong kasaligan nga *hadith* gikan kang Propeta Muhammad (swas) gibatbat sa sobra sa 30 ka mga tinun-an (Sahabah) ug gitala sa daghan nga mga Sunni nga mga Eskolar. Ania ang pipila ka mga gibantog nga mga sukaranang *hadith* naglakip sa mga sumusunod:

_ al-Hakim al-Naysaburi, alMustadrak `ala al-Sahihayn (Beirut), vol. 3, p. 109- 110, 148, ug 533). Iyang gipamahayag nga ang maong saysay (hadith) usa ka *sahih* pinasikad diha sa pamahayag ni al-Bukhari ug Muslim; si al-Dhahabi nagpamatuod niini sa iyang hukom.

_ Muslim, al-Sahih, (English translation), book 031, # 5920-3

_ al-Tirmidhi, al-Sahih, vol. 5, p. 621-2, # 3786 ug 3788; vol. 2, p. 219

_ al-Nasa'i, Khasa'is'Ali ibn Abi Talib, hadith # 79

_ Ahmad b. Hanbal, al-Musnad, vol. 3, p. 14, 17, 26; vol. 3, p. 26, 59; vol. 4, p. 371; vol. 5, p. 181-2, 189-190

_ Ibn al-'Athir, Jami' al' usul, vol. 1, p. 277

_ Ibn Kathir, alBidayah wa alnihayah, vol. 5, p. 209. Iyahang gikutlo diha sa al-Dhahabi ug gipamahayag nga kining maong *hadith* usa ka *sahih*.

_ Ibn Kathir, Tafsir al-Qur'an al-'Azim, vol. 6, p. 199

_ Nasir al-Din al-Albani, Silsilat al-Ahadith al-Sahihah (Kuwait: al-Dar al-Salafiyya), vol. 4, p. 355-8. Iyahang gipanglista ang daghan nga mga nagkadugtong nga mga pamahayag nga Iyahang ginaisip nga kasaligan.

Aduna pay daghan nga mga sukaranan alang niini nga maong *hadith* nga mahimo nga atung iapil dinhi.

Mao ba gyud ang gisulti sa Propeta (swas) “Akong ibilin diha kaninyo ang Kasulatan sa Allah ug ang akong Sunnah” ?

Usa kini ka sayup nga pagsabut. Ang kamatuoran niini mao nga wala kini lig-on nga pasikaranan nga kini mao ang gipamahayag sa Propeta (swas) sa iyahang katapusan nga pagpamulong. **Kini dili man gani makaplagaan bisan diin ani sa unom (6) ka Sihah nga mga libro!!** Ang asoy diha sa Malik's Muwatta', Ibn Hisham's Sirat Rasul Allah, ug gikan niya diha sa al-Tabari's Ta'rikh, ang tanan nagsagubang gikan sa mga dili kompleto nga mga sumpay sa mga pamahayag ug adunay mga sumpay nga nawala o giwala! Ang ubang bahin nga adunay kinatibuk-an nga han-ay sa pamahayag (*isnad*) – nga diin diyutay lamang – **ang tanan adunay mga tig-asuy nga mga dili kasaligan** nga maoy nagmando sa mga Sunni Eskolar diha sa *rijal*. Kining malatngunon nga mga kamatuoran mahimo nga susihon niadtung mga buot masayud pinaagi sa pagpakisayud diha sa mga tukmang mga basahon.

Dayag, nga walay usa nga namahayag nga ang *Sunnah* sa Propeta (swas) nga dili angay sundon.

Sumala sa ginaingon sa unahan, ang Propeta (swas) bout sa mga Muslim nga mosunod sa iyahang Ahl al-Bayt isip maoy kasaligan, putli ug walay sayup nga tinubdan sa iyahang *Sunnah*.

Ngano nga labon man ang kaliwat sa Propeta (swas)?

Sa diha nga ang versikulo gipadayag "(O Muhammad) Isulti, 'Wala akoy laing balus nga akong pagapangayuon diha kaninyo gawas lamang nga inyong mahalona ang akong suod nga kaliwat.'" (42:23) ang mga Muslim nangutana ngadtu sa Propeta (swas): "Kinsa ba ang imong suod nga kaliwat kinsang pagmahal nganha kanila usa ka katungdanan? " Siya mitubag, , **"Si Ali, Fatima, ug ang kanilang duruha ka mga anak."**

_ al-Hakim al-Naysaburi, al-Mustadrak ala al-Sahihayn, vol. 2, p. 444

_ al-Qastallani, Irshad al-Sari Sharh Sahih al-Bukhari, vol. 7, p. 331

_ al-Suyuti, al-Durr al-Manthur, vol. 6, p. 6-7

_ al-Alusi al-Baghdadi, Ruh al-Ma'ani, vol. 25, p. 31-2

Ang pagkamatinud-anon ug katarung sa Ahl al-Bayt nailhan pag-ayo diha mismo sa Qur'an diha sa panahon sa Pagpakiglantugi batok sa mga Kristiyano nga taga Najran. Sa diha nga ang bersikulo napadayag **"Kanila nga makiglalis kanimo niining bahina, human sa kahibalo nga miabut kanimo, Ingna sila: Umari kamo, akong tigumon ang akong mga anak, ug kamo sa inyong mga anak; ang among babaye, ug ang inyong babaye, ang akong panimalay ug ang inyong panimalay; Ug mag-ampo nga hugot ug magahangyo sa tunglo nga gikan sa Allah, niadtung mga bakakaon."** (3:61), **Ang Propeta (swas) mitawag kang 'Ali, Fatima, al-Hasan ug kang al-Husayn ug misulti: 'O Allah, mao kini sila ang akong mga kaliwat (Ahl)'**.

_ Muslim, al-Sahih, (English translation), book 031, number 5915

_ al-Hakim al-Naysaburi, alMustadrak

`ala al-Sahihayn, vol. 3, p. 150. Siya namahayag nga kini usa ka *sahih* sumala sa pamahayag ni al-Bukhari and Muslim

_ Ibn Hajar al-'Asqalani, Fath al-Bari Sharh Sahih al-Bukhari, vol. 7, p. 60

_ al-Tirmidhi, al-Sahih, kitab al-managib, vol. 5, p. 596

_ Ahmad b. Hanbal, al-Musnad, vol. 1, p. 185

_ al-Suyuti, History of Khalifas Who Took The Right Way, (London, 1995), p. 176

Igo na ba nga magpakita lang sa pagtahud ngadtu Ahl al-Bayt ?

Igo na ba nga magpakita lang sa pagtahud diha sa Qur'an? Dayag nga ang mga Muslim musunod gayud niini, ingon nga maoy sumbanan sa Diosnon nga giya, diha sa tanan nga mga buluhaton. Ang Propeta Muhammad (swas) nagbilin sa duruha ka bililhong butang nganha sa mga Muslim, ug nagsaad nga kini sila dili mahimo nga pagabulagon hangtud sa adlaw sa paghukom. **Pinaagi sa pagpares sa Ahl al-Bayt diha sa Qur'an, ang Propeta (swas) nagsulti kanato nga dili lang sa pagtahud nganha kanila, apan hangtud usab sa pagdawat sa mga gitudlo sa mga baruganan sa Islam, mga gawi, hadith ug ingon man ang tafsir nga gikan kanila.**

Ang Propeta Muhammad (swas) misulti“**Sa pagkamatuod ! Ang akong Ahl al-Bayt sama sa Arka ni Noah. Ang bisan kinsa nga mosakay niini maluwas, ug ang magdumili niini sila malaglag.”**

_ al-Hakim al-Naysaburi, alMustadrak ala al-Sahihayn, vol. 3, p. 151, vol. 2, p. 343. Siya namahayag nga kini usa ka *sahih* sumala sa pamahayag ni Muslim

_ al-Suyuti, al-Durr al-Manthur, vol. 1, p. 71-72

_ Ibn Hajar al-Makki, al-Sawa'iq al-Muhriqa, p. 140. Siya namahayag nga kini maong Pamahayag miabut gikan sa daghan nga mga manalaysay nga maoy nagpalig-on sa matag-usa niini.